



JAVNO PREDUZEĆE ŽELJEZNICE FEDERACIJE BOSNE I HERCEGOVINE
društvo sa ograničenom odgovornošću SARAJEVO
71 000 Sarajevo, Musala 2

Reg.br. 065-0-Reg-06-000614 od 28.12.2006. godine kod Općinskog suda u Sarajevu; Glavni račun: KM 3389002207823509, DEVIZNI-IBAN: BA39+3389002207823509 SWIFT: UNCRBA 22 kod UNICREDIT BANK d.d. Mostar; Računi za redovno poslovanje: KM 1549212001826340, DEVIZNI-IBAN: BA39+50101200-875115 SWIFT: UPBKBA 22 kod INTESA SANPAOLO BANKA d.d. Bosna i Hercegovina; KM 1010000051807253, DEVIZNI-IBAN: BA39+1010000051807253, SWIFT: PBSCBA 22, kod PRIVREDNA BANKA SARAJEVO d.d. Sarajevo; KM 1990490075973745 kod SPARKASSE BANK d.d. Bosna i Hercegovina; KM 1020500000088171, DEVIZNI-IBAN: BA39+1020500000088171 SWIFT: UBKSBA 22 kod UNION BANKA d.d. Sarajevo; ID broj: 4200450270001; PDV broj: 200450270001; Porezni broj: 01071112

Broj: UD-15866-1-1.1./2025

Datum: 27.08.2025. godine

Mjesto: Sarajevo

Na osnovu člana 70. stav (4), a u vezi sa članom 69. stav 2) pod d) Zakona o javnim nabavkama ("Službeni glasnik BiH", broj: 39/14, 59/22 i 50/24), člana 58. Statuta JP ŽFBiH d.o.o. Sarajevo ("Službene novine FBiH" broj: 27/06, 5/08, 49/08, 57/09, 59/11, 92/12, 58/15, 24/17, 68/22 i 83/23), člana 19. stav 1) Pravilnika o javnoj nabavci roba, usluga i radova broj: UD-24662-1-3./2022 od 02.12.2022. godine i Zapisnika o pregledu i ocjeni ponuda sa preporukom Komisije broj: 9829-1-1/2025 od 13.08.2025. godine, Uprava Društva na 52. (vanrednoj) sjednici, održanoj dana 27.08.2025. godine, donijela je:

ODLUKU
o poništenju postupka nabavke

I

Poništava se otvoreni postupak za javnu nabavku roba – Klipni bezuljni kompresor KNORR VV 270-T (2 komada), tender broj: UD-9829-1/2025.

II

Postupak se poništava na osnovu člana 69. stav (2) tačka d) Zakona o javnim nabavkama ("Službeni glasnik BiH", broj: 39/14, 59/22 i 50/24), jer nijedna od primljenih ponuda nije prihvatljiva.

III

Za realizaciju ove Odluke zadužuju se Ekonomski poslovi Društva - Sektor za nabavke i prodaju.

IV

Ova Odluka stupa na snagu danom donošenja.

O b r a z l o ž e n j e

Uprava Društva Javnog preduzeća Željeznice Federacije Bosne i Hercegovine društvo sa ograničenom odgovornošću Sarajevo je Odlukom broj: UD-9715-1-2.11./2025 od 15.05.2025. godine odobrila pokretanje otvorenog postupka za javnu nabavku roba – Klipni bezuljni kompresor KNORR VV 270-T (2 komada), tender broj: UD-9829-1/2025. Procijenjena vrijednost nabavke po navedenoj Odluci iznosi 200.000,00 KM (bez PDV-a).

Rješenjem VD Predsjednika Uprave - Generalnog direktora, broj: 1-10246-1/2025 od 21.05.2025. godine, imenovana je Komisija za nabavke (u daljem tekstu: Komisija) koja je provela postupak nabavke, u sljedećem sastavu: Nermin Hastor – predsjedavajući – službenik za JN, Malik Rizvanović – član, Mirza Šahman – član, Emira Salić - član i Harijeta Kujović – član. Za sekretara Komisije imenovana je Edina Karić.

UIC 50

Bosna i Hercegovina

JP ŽFBH d.o.o. Sarajevo Centrala: +387 33 657-313; Kabinet Predsjednika Uprave-Generalnog direktora: tel. +387 33 251-120, fax +387 33 652-396; Poslovi razvoja i investicija: tel. +387 33 617-754, fax +387 33 617-922; Željeznički operator: tel. +387 33 251-126, fax +387 33 610-038; Željeznička infrastruktura: tel. +387 33 251-120, fax +387 33 656-062; Ekonomski poslovi: tel. +387 33 251-123, fax +387 33 217-085; Pravni i kadrovski poslovi: tel. +387 33 251-123.

Obavještenje o nabavci je objavljeno na portalu javnih nabavki dana 24.06.2025. godine pod brojem: 1050-1-1-116-3-81/25. Sažetak Obavještenja o nabavci je objavljen u "Službenom glasniku BiH" broj: 38, dana 27.06.2025. godine.

Na osnovu člana 63. Zakona o javnim nabavkama ("Službeni glasnik BiH", broj: 39/14, 59/22 i 50/24) (u daljem tekstu: Zakon), Komisija je dana 17.07.2025. godine u 11:30 sati, izvršila javno otvaranje ponuda, uz prisustvo predstavnika ponuđača – TRABUS d.o.o. Sarajevo – Kenan Cikotić. Do roka određenog za prijem ponuda blagovremeno je dostavljena 1 (jedna) ponuda i to:

1. Ponuda ponuđača TRABUS d.o.o. Sarajevo, koji je ponudio sljedeće:

Cijena: 199.252,00 KM bez PDV-a, odnosno 233.124,84 KM sa PDV-om,
Uslovi i način plaćanja: 15 dana od dana uredno zaprimljene fakture,
Rok isporuke: 450 dana od dana uredno ispostavljene narudžbenice dobavljaču.

Komisija je izvršila pregled i ocjenu pristigle ponude, te utvrdila sljedeće:

- Ponuda ponuđača TRABUS d.o.o. Sarajevo je ocijenjena kao neprihvatljiva na osnovu člana 2. stav 1) tačka 1) pod 2) Zakona, iz sljedećih razloga:

U ponudi je ponuđen rok isporuke 450 dana, što nije u skladu sa Prilogom 9 – Nacrt ugovora, član 26, u kojem se navodi da se Ugovor smatra zaključenim danom potpisivanja ugovornih strana, a stupa na snagu danom dostavljanja bezuslovne bankarske garancije za uredno izvršenje ugovora, s rokom trajanja do konačne realizacije, a najduže 12 (dvanaest) mjeseci od dana zaključivanja ugovora. Ovo predstavlja bitno odstupanje od tenderske dokumentacije, te se ponuda odbacuje kao nepravilna.

Ponuda se odbacuje u skladu sa članom 68. stav 4) pod i) Zakona o javnim nabavkama, jer ista nije potpuna i ne ispunjava zahtjeve iz tenderske dokumentacije.

Cijeneći navedeno, Komisija je utvrdila da nisu ispunjeni zakonski uslovi za nastavak postupka nabavke i dodjelu ugovora, te je dala p r e p o r u k u Upravi Društva za donošenje Odluke o poništenju postupka javne nabavke roba – Klipni bezuljni kompresor KNORR VV 270-T (2 komada), tender broj: UD-9829-1/2025, a na osnovu člana 69. stav (2) pod d) Zakona, jer nijedna od primljenih ponuda nije prihvatljiva.

Uprava Društva je prihvatila preporuku Komisije, te je u skladu sa navedenim odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi, putem ugovornog organa, u roku od 10 (deset) dana od dana prijema iste, a u skladu sa članom 99. i 101. Zakona.

Dostaviti:

- Željeznički operator,
- Sektor plana, analize i raspoređivanja prihoda,
- Sektor za nabavke i prodaju/x2,
- Ponuđaču,
- Uz Zapisnik,
- a/a.

VD Predsjednika Uprave – Generalnog direktora



Mirza Hadžibegić, dipl.ecc.

UIC 50

Bosna i Hercegovina